

學佛的本來面目

一、一般對「學佛」的認知

常問：你有沒有學佛。此意常指你有沒信佛

二、學佛最初最根源的動機與目的——尋求救護

1、《別譯雜阿含經》卷5：「如是我聞：

一時，佛在舍衛國祇樹給孤獨園。爾時，有一老婆羅門年耆根熟，先於往日，多造眾惡，極為麤弊，毀犯所禁，不修福善，不先作福，臨終之時，無所依止，往詣佛所，問訊佛已，在一面坐，而白佛言：「世尊！我於往日，多造眾惡，極為麤弊，毀犯所禁，不能修福，又不修善，亦復不能先作福德，臨終之時，無所依止。」佛言：「實如汝語。」老婆羅門言：「善哉！瞿曇！當為我說，使我長夜獲於安樂，得義得利。」佛言：「實如汝說，汝於往日，身口意業不作善行，毀犯禁戒，不修福德，不能先造，臨命終時，作所怙恃。汝於今者，實為衰老，先造眾罪，所作麤惡，不造福業，不修善行，不能先造，可畏之時，所歸依處。譬如有人，將欲死時，思願逃避，入善舍宅，以自救護，如是之事，都不可得。是故今當身修善行，口意亦然，若三業善，臨終之時，即是舍宅，可逃避處。」

爾時，世尊即說偈言：

「人生壽命促， 必將付於死。 衰老之所侵， 無有能救者。
是以應畏死， 唯有入佛法。 若修善法者， 是則歸依處。」

2、《出曜經》卷17〈16 惟念品〉：

「夫人得善利， 乃來自歸佛， 是故當晝夜， 一心當念佛。夫人得善利者，世間利者，象馬車乘國財妻息金銀珍寶，車璩馬瑙水精琉璃珊瑚琥珀，雖言是善利非真正利，欺惑世人由是致忿，亡國破家無不由之，不免地獄餓鬼畜生，能投命自歸於如來所，便能得免地獄畜生之難。自歸佛者，斷有至無欲，越次取證，隨三乘行各得其願，若生天上人中受自然福。若初發意志崇佛道者，復得四意止、四意斷、四神足、五根、五力、七覺意、八賢聖道，是謂三十七品。是故說，夫人得善利也。問曰：「何以故但說人得果證，不說天龍阿須倫閻叉鬼神耶？」答曰：「人道於諸趣最尊最妙，專心一意便能斷漏盡結越次取證，人道堪受賢聖道教，故說人也。」乃來自歸佛者，云何名為自歸？何以故說自歸？答曰：「救護為歸義。復次，無畏為歸義、脫難為歸義。」是故說，乃來自歸佛也。是故當晝夜，一心當念佛者，人心所念流馳萬端，彈指之頃造行無量，晝夜所思無有停息，於中自

拔迴意向善，一心念佛亦無眾想，是故當晝夜一心念佛也。」

3、《大智度論》卷 71〈52 善知識品〉：「世間歸」者：如人遇暴風疾雨，必歸房舍；世間種種邪見煩惱等、身心內外苦惱老病死諸憂苦等，若歸依佛，佛以種種因緣拔其憂悲苦惱。「依處」者：一切有為法從和合因緣生故，無有自力、不可依止。眾生為苦所逼來依止佛，佛為說無依止法。「無依止法」者是真實，所謂無餘涅槃，色等五眾滅更不相續；不相續即是不生不滅；不生不滅即是畢竟空，無依止處。問曰：若無依止處，何以說「依止」？

答曰：依止有二種：一者、以愛、見等諸煩惱依止有為法；二者、清淨智慧說依止涅槃。煩惱見故說無依止。」

三、一般歸依學佛者的認知與佛法相應與不相應處

1、相應處：依止、依賴、尋求救護

《阿毘達磨大毘婆沙論》：「諸有歸依佛法僧寶。不破學處。不犯律儀。不越法則。便能救護。」

2、未相應處：未知如何學習

《阿毘達磨大毘婆沙論》卷 34：「諸歸依佛者何所歸依乃至廣說。問何故作此論。答為於非所歸依處起歸依想者。顯示真實歸依處令捨彼歸此。如契經說。

| | | | |
|-------|-------|-------|-------|
| 眾人怖所逼 | 多歸依諸山 | 園苑及叢林 | 孤樹制多等 |
| 此歸依非勝 | 此歸依非尊 | 不因此歸依 | 能解脫眾苦 |
| 諸有歸依佛 | 及歸依法僧 | 於四聖諦中 | 恒以慧觀察 |
| 知苦知苦集 | 知永超眾苦 | 知八支聖道 | 趣安隱涅槃 |
| 此歸依最勝 | 此歸依最尊 | 必因此歸依 | 能解脫眾苦 |

四、歸依學佛的最初模樣——佛的出家與鹿野苑度五比丘

轉法輪者。說四聖諦義三轉十二相是苦諦是苦集是苦滅是至苦滅道。是名一轉四相。是苦諦應知。是苦集應斷。是苦滅應證。是至苦滅道應修。是名第二轉四相。是苦諦知己。是苦集斷已。是苦滅證已。是至苦滅道修已。是名第三轉四相。四相者。四諦中生眼智明覺。（《阿毘達磨大毘婆沙論》卷 79：「眼是觀見義。智是決斷義。明是照了義。覺是警察義」）

五、佛教與其他宗教不同之處

與其他宗教不同之處---他教主的威權是不可等同或到達的，佛教主張是眾生皆有佛性，眾生皆可成佛

1、理智性，2、真實性，3、可行性，4、感應性

六、學佛最關鍵處---佛要告訴我們甚麼，佛要我們做甚麼

《大般涅槃經》卷3〈1 壽命品〉：「迦葉。諸善男子善女人。常當繫心修此二字佛是常住。迦葉。若有善男子善女人修此二字。當知是人隨我所行至我至處。善男子。若有修習如是二字為滅相者。當知如來則於其人為般涅槃。善男子。涅槃義者。即是諸佛之法性也。」

七、佛的腳色與我的腳色

感應妙：眾生感佛菩薩靈應之善根發動曰機，應此機而垂佛菩薩之利益曰應。是有四句：一冥機冥應。於過去善修三業，於現在未運身口，籍於往昔之善根，是為冥機。雖不現見靈應而密為法身所益，不見不聞而覺知，是為冥應。二冥機顯應。於過去植善，冥機已成，得值佛聞法，於現前得利益者。佛初出世最初得度之人，現在何嘗修行，諸佛照其宿機而自往度之也。三顯機顯應。現在之身口意，精勤不惰，能感降臨。如須達長跪，佛往祇洹，月蓋曲躬，聖臨門閭。又如今之行人，禮懺道場，能感靈應者是也。四顯機冥應。人於一世勤苦，現善濃積，而不顯感，冥有其利，即顯機冥益也。」